

fini suo *Adolpho Bergensi* nupsit, qui factus est Dux Iuliacenſis & Bergeniſis. His ſine liberis mortuis, factus eſt *Gulielmus* Dux Iuliacenſis atque Bergeniſis, genuitque Filium nomine *Gerardum*, in paterna ditione ſucceſſorem. Gerardo natus filius *Gulielmus*, qui unicam Filiam ſuam tradidit uxorem, Ducis Clivenſis unico Filio *Ioanni*: ſicque tres Ducatus, Bergeniſis, Iuliacenſis, & Clivenſis in unam redacti ſunt ditionem. Genuit autem iſte *Ioannes* filium *Gulielmum*, qui quartum Ducatum, nempe *Gelrenſem*, junxit tribus Ducatibus, Clivenſi, Iuliacenſi & Bergeniſi, ſed excitato bello Anno *MDXLIII* viſus a *Carolo V*, ſua ditione ſpoliatus fuit, ac deinde ruſſe ea certis conditionibus donatus, præter *Gelriam* tamen, ducta uxore *Filia Ferdinandi Rom. Regis*. Primaria ejus Vrbs quæ & Ducatui nomen dedit, eſt *Iuliacum* vulgo *Gulich*, cujus etiam in Itinerario meminit *Antoninus*, ſitum eſt ad *Ruram* fluvium. Opida præter *Iuliacum* ſunt *Marcodurum*, vulgo *Duren*, Civitas ex eo tempore illuſtrior & notior facta, quo graviſſimam *Caroli V* obſidionem pertulit. *Monasterium Eyphelea* Opidum amœnum inter Montium convalles haud procul ab *Ervatis* fluvii fontibus; *Enkirkia*, *Berchemum*, *Caſtrum* vulgo *Caster*, a magnifico caſtro quo munitum eſt, *Grevenbroick*, *Sladbach*, *Dalen*, *Waſſenberg* Opidula ſunt. Arces frequentiſſimas habet, quæ Nobilibus & Equeſtribus familiis nomen dederunt, *Palant*, *Meroden*, *Renſſchenberg*, *Neffelroden*, *Wachtendonck*. Eſt etiam *Baronatus Wickradienſis* Arcem habens munitiſſimam, *Quadorum ſedem*. In hoc ipſo tractu ſita eſt urbs *Aqueniſis*, *Aquiſgranum* recentioribus, *Vetera* *Ptolemæo* in qua *Legio xxx Ulpia*: ſed apud *Antoninum* eſt *xx* & *Legio xxx Ulpia* alius huic loco vicinus. *Lhuithprandus* *Grani Palatinum* vocat. *Rhegino* *Thermas Grani* & *Aquis Palatinum*. Sæpius etiam *Aqua* ſimpliciter ab illius ſæculi ſcriptoribus nuncupatur: vulgo *Aken*, Germanis *Ach*, Gallis *Aix* dicitur. Vrbs eſt nobiliſſima; Aëre fruitur ſaluberrimo, agroque gaudet pulcherrimo, quanquam quod ad ædificia ſtructurasque attinet, nequaquam veteri famæ, nobilitati, ſplendorique respondeat. Balnea thermalque tam intra urbis Mœnia, quam extra, è terra erumpentibus aquis natura calidis habet, multiſque ac variis morbis adprime utiles. Eſtque hæc urbs ſede *Caroli Magni* qui hic obiit & ſepultus eſt, celebrata. Fluvios habent hæc regiones præter *Rhenum* *Ruram*, ſive *Roram* qui ad *Vbiorum* Opidulum, *Roeroort*, quod finem *Roræ* ſonat, *Rheno* miſcetur, ubi videre eſt duorum fluminum concurrentium evidentiſſimum diſcrimen, quorum hoc viride, illud ſubalbum apparet. Et quidem uſque adeo tortuoſus eſt *Rora* tantisque ambagibus fertur, ut propemodum ipſe *Mæander* videri poſſit: tam autem violentus eſt, & vehementi curſu fertur, ut quandoque per arva viam rumpat, adeo ut brevi temporis ſpacio duo vel tria jugera alluvione hinc adimat, illuc adiciat, vel contra, paullo poſt ſolum quodcumque inundat, calculis implet, atque corrumpit: *Nerſam* ite, *Lupiam*, *Angram*, *Duſelum*, *Erſſat*, *Niſſi*, *Vormium*, & alios. Nec Silvæ deſunt, inter quas, illa quam *Tacitus* *Saltrum Tentoburgeniſem* vocat, *Duisburgo* vicina, quod cingit pluſquam medium quibuſdam in locis vix quatuor, aut quinque baluſtarum diſtans, vaſtiſſima eſt & ampliſſima, in qua innumera Fera conſpiciuntur. Rivulos habet plurimos, & limpidiſſimos: Montes ſunt excelsi, arboribus præaltis circumquaque veſtiti. Sed de hiſhæcenus.